

26. IV. 66.

107

IST'OUTA voi ve contèr mingol de la stòria
de la sègra vèia de Sen Forian a Cianacèi.

Adess l'èpa bèn jà passà un bel gran mugie de ègn che a Cianacèi se fajéa la Sègra de SEN Forgian. Inbèn ve in contepa una. L'èra mòne e massé de chèla giejia che l'èra illòutà Bastian, un gran mòch, rich, seša ben, gaitegon e amò encie maccaco fin che bèsta. Sia femmena invèze la era più furba e briccona che la gie robèa semper la brama per jir a se la vener da nascòus per se comprèr èga devita e tabach da nèss. Ma ist'òuba Bastian el se n'ha ascort, e per chest el gié diss a sia femmena: "Ma Marugièna, co èllapa che binòn cossita pecia brama con sie vacies bònes da lat te stala?" E la femmena: "Ma Bastian, vèrda mò, che no sie la soricies che se la magna, o forsi ness picioi." "No peljesser, Marugièna, che ness picioi ne magne la brama, piutòst la soricies, che n'èpa de granes chiò a Cianacèi? e per chest voi me sconer el còcol de la brama te cièvena, te el scrin dal formai." "Mostro de mat el còcol de la brama te el scrin del formai, piuttòst te giejia te confesionèl." E BASTIAN el scon el pègnàt de la brama te de dò' la statua de Sen Forian te giejia. Ma Bastian l'èra apena demèz ch Marugièna la era ja te giejia con la pazeida per se robèr la brama, ma la é rentèdate la statua de Sen Forgian e a la tegnìr la gié hafat mez el guant da brama. Canche Bastian l'ha vedù la statua de Sen Florian mocignèda de brama, el diss: "Appede la soricies, amò encié tu Florian," e el gié dèsq 'na ciavatèda che la statua la é sutèda ja bass in tènc de tòcc.... "Maderè Santissima!!!" Coche faghe ades, che doman l'é la sègra de Sèn Florian???" Co che la è stata la capidepa bèn prest.... Da l'es nef vèn el Piovan a dir messa e el fèsq 'na bèlla perdicia, che fenesj cossita... "Etu Florian, che ties stàt un gran Sent, un vero campion de Cristo, te restarès su'n chest utère fin all'eternità" ... PO na na, "gié respon sen florian," "Gié é contratà demò per inché per un sté de bieva e doi fiorins"..... e l'é sutà ju de utère e ite te sacrestia e demèz desche el fun. Jape de giejia Marugièna se la grignèa che dut scassèa, pèna de èga de vita.

Più tèert la é vegnuda fòra co che la é stata, e Bastian se ha venù 'na vacia per fèr depenjer chel bel chèder de Sen Florian che l'é su'n utère de la giejia vèia de Cianacèi, con la pazzeida de la brama de sia femmena te man, e dappò la é fenida.

Zott de Rolla.

Don For. Giacometti